



Inatsisartunut ilaasortaq  
Hans Enoksen  
Naleraq

### §37 naapertorlugu apeqqummut nr. 2024-99-imut akissut

27-05-2024  
Sags nr. 2024 - 10685

Asasara Hans Enoksen

Inatsisartut suleriaasianni § 37-mi imm. 1 naapertorlugu tulliuttut Naalakkersuisunut apeqquteqaateqarputit.

Akissuteqarnissami Great Greenland tapersiissuteqartinneqarpoq.

Postboks 930  
3900 Nuuk  
Tlf. (+299) 34 68 00  
Fax (+299) 43 02  
E-mail: an@nanoq.gl  
www.naalakkersuisut.gl

- 1. Nunatta ammeriviata amernik pisiortornera inuiaqatigiit tamarmik akileraarutigut akileeqaataaffigisarmassut paaserusuppara, ammit amerlaqisut maangaannaq eqqarneqartarnerat pinngitsoortinniarlugu Naalakkersuisut qanoq iliuseqarniarnersut?**

Puisit amiinik sapinngisamik minnerpaamik eqqaasoqartariaqarneranik isumannut, Naalakkersuisut isumaqatigaatsit.

Ajornartorsiut Great Greenlandip, Naalakkersuisullu eqqumaffigaat. Ammit pitsaassusaasa sulissutigineqarnissaa, amernillu eqqaasarneq pillugu Great Greenlandip, Naalakkersuisullu 2024-mut kiffartuussinissamik isumaqatigiissutaanni ima allassimavoq:

- *"1.2 Puisit amiisa pitsaassusaasa pitsanngoriartortittuarnissaat siunertarlugu, piniartut amernik suliaqartariaasiisa attatiinnarnissaa ineriartortinnissaalu isumaqatigiisummuttaaq ilaavoq."*
- *"2.1.4 Puisit amii pitsaassutsimikkut pitsaanerulernissaat siunertarlugu puisit amiisa suliarineqartarnerat suli pitsaanerulersissinnaaqullugu, piniartunut amminillu tigooraasunut ilinniartitsineq."*
- *"4.4 Ammit tunisat qanoq pineqarnissaat aalajangersaaffigineqarluni tunisinermi malittarisassat pillugit soqutigisaqaqatigiinnik attuumassutilinnik ingerlatseqatigiiffik susasaqartunut isumaqatigiissuteqassaaq. Tunisinermi malittarisassat Namminersorlutik Oqartussanut nassiunneqassapput."*
- *"5.1 Ingerlatseqatigiiffiup amernik pitsaanerulersitsiniarnini isumaqatigiissutip atuunnerani iingerlatiinnassavaa, aningaasatigullu sinaakkutit naleqquttut iluini ammit tunineqartartut kasiilerneqartartut Ingerlatseqatigiiffimmit nalunaarsorneqartarsinnaassanersut ilaatigut nalilersorneqassalluni."*

Great Greenland nioqqutissiornerminnut sapinngisamik amerlanerpaanik amernik pissarserusuppoq, pingaartumillu amernik pitsaassutsimikkut qaffasissunik. Ammit Qaqortumi ammerivimmut apuuttartut pitsaassutsimikkut nikerartarnerat ajoraluartumik unammillernarpoq. Ajornartorsiutaasoq annikillisikkumallugu Great Greenland suliniutinik arlannik atuutsilersitsivoq. Ammit amerlanerpaat akuerineqarlutik atorneqarsinnaanissaasa qulakkeerneqarnissaa siunertaralugu, tunisinissamat ilitsersuut pillugu Great Greenland pingaarnertut KNAPK-mik isumaqatigiissuteqarpoq.

Taassumap saniatigut Great Greenland, amernik tunisisartunut tamanut 2023-mi pikkorissaavoq. Tunisisartut piginnaangorsarneqarnissaat, ammillu pitsaassusaasa qaffassarnissaat siunertaralugu ammerisarnerup pitsaanerulesinneqarnissaa siunertaasimavoq. Malitsigisaanik ammit ammerivimmi tigusartakkatik pitsaassutsimikkut pitsaanerulersimasut, Great Greenlandip malugisimavaa. Suliniut ingerlatiinnarneqarniluni ukiut marlukkaapajaarlugu ingerlateqqittarnissaa kissaatiginarpoq. 2023-mi suliniut, Naalakkersuisut Great Greenlandillu kiffartuussinissamik isumaqatigiissutaasigut aningaasalersorneqarpoq.

Taassumap saniatigut Great Greenlandip ammit pitsaassutsimikkut appasissut, meequujarlugit ammerinerminni aamma atortalersimavaat. Assersuutigalugu taskiliornerminni, aningaasiviliornerminni, aaqqatiliornerminni il.il. puisip amianut tapertatut allanik atuinatik taakkua atortalersimavaat. Amernik pitsaassutsimikkut appasissunik periarfissatut taamatut atuinermigut, Great Greenland amernik tigusanik atuilluarneruvoq, taamaalillunilu igiinnarneqartartut annikillisillugit. Taamaalilluni Great Greenlandip nioqqutissiai annerusumik puisip amiineerlutik, uumasut allat amiinik atuinerat aamma annikillivoq.

Taassumap saniatigut Naalakkersuisut aamma Great Greenland, tak. kiffartuussinissamik isumaqatigiissutip immikkoortoq 5.1-ia, amernit tunineqartartunit kaseerneqartartut nalunaarsorneqartarnissaannut qulakkeerinissamat periarfissat misissorniarpaat. Taamaalilluni najukkami suut unammillernartinneqarnersut ersarinnerusumik takuneqarsinnaalissaaq, ajornartorsiullu iluarsivigiumallugu siunnerfilimmik anguniagassat annerusumik nalilersorneqarsinnaalissallutik.

- 2. Sunngiffimmi piniartartut aamma ameersinnaanerat mattunneqarnikummat ajusaarnarluinnartumillu tamakku puisittamik amiinik maangaannaq igitsisarput tunisisinnaanginnamikkit. Tamanna ajorluinnarpoq. Pissutsit allangortinniarlugit Naalakkersuisut qanoq iliuseqarlutik puisit amiinik eqqaaginnartarneq unitsinniarpaat?**
  - a. Sunngiffimmi piniartartut puisittamik amiinik tunisinnaanissaat ammarniarpsiuk?**

Great Greenlandip, Naalakkersuisullu 2024-mut kiffartuussinissamik isumaqatigiissutaanni allassimavoq, *"Sunngiffimmi piniarnermut allagartaqarlutik inuutissarsiutigalugu piniartuunngitsunit puisit amiinik tunisisinnaatitaanermut misiliutaasumik tapiissuteqartoqarnissaanik pilersitsisoqassanersoq, Ingerlatseqatigiiffiup piniartunullu tunngatillugu susassaqtartut Namminersorlutik Oqartussallu akornanni 2024-p kvartaliata aappaani nalilersorneqassaaq.*

*Pisiortornermut annerpaamik akigititassamik, kiisalu ammit suussusissaat pillugit §7 eqqarsaatigineqarluni illuatungeriit isumaqatigiissapput”.*

Great Greenlandip oqaatiginikuuaa, aallaavittut inuussutissarsiutigalugu piniartunit amernik taamaallaat tiguisarlutik, taamaakkaluartorli ammit amigaatigineqalissappata, kiffartuussinissamillu isumaqatigiisummi allassimasutut ammit tunisat amerlassusaat anguneqassanngippata, sinnerinut sunngiffimmi piniartut tunisinissaannut periarfissaasinnaavoq. Periarfissaq taanna ukiuni kingullerni atortariaqarsimanngilaq.

Inussiarnersumik inuulluaqqusillunga

  
Naaja H. Nathanielsen